

EU-p naatsorsuutininut malitassiaa Folketingimit atortuulersinneqarlunilu akuersissutigineqareerpat, danskit ukiumut naatsorsuusiortarneq pillugu inatsisaat Kunngip peqqusineratigut Kalaallit Nunaanni aamma atortuulersinneqarnissaa siunertaralugu Naalakkersuisut naalagaaffimmut saaffiginnissuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Akissutitut allakkiaq

(Inuussutissarsiornermut, Aatsitassaqaqarnermut Naalakkersuisoq)

Siullermeenera

Naalakkersuisut siunnersuuteqartooq qutsavigaat siumut isiginnittumik aalajangiiffigisassatut siunnersuutaanut.

Piffissami matumani Naalakkersuisut Erhvervs- og Vækstministereqarfimmik ilaatigut ukiumoortumik naatsorsuusiortarnermut inatsisip nutarternissaanut tunngasumik oqaloqatiginnereerpoq. Siunnersuuteqartutuulli nunatsinni suliffeqarfiit ullutsinnut naleqquttumik inatsisilersornissaat Naalakkersuisut pingaartuutippaat. Tamanna pillugu siunnersuut ingerlatat nalinginnaasut naapertorlugit suliarineqareeruni, aammalu tusarniaassutigineqareeruni Inatsisartunut saqqummiunneqarumaarpoq.

Taamaattorli Kalaallit Nunaanni danskit inatsisaannik suli naammassineqanngitsumik aallartitsinissamut sioqqutsisumik Naalakkersuisut pituttuisumik pisussaaffileerusunngillat. Ukiumoortumik naatsorsuusiortarnermut inatsisip atuutsilernissaa, aammalu tamanna pillugu aalajangiussisoqannginnerani illua'tungerisanut pingaarutilinnut tusarniaassutigineqarsinnaasup Kalaallit Nunaannut atuutsilersitsinissamut inaarutaasumik siunnersuusiortoqarnissaa utaqqimaassallugu Naalakkersuisut eqqortuunerusutut isigaa. Tamatuma aamma Inatsisartut siunnersuummik sukumiisumik naammassisamillu aalajangiussiffigisaqarsinnaanissaat isumannaassavaa.

Taamatut oqaaseqarlutik Naalakkersuisut siunnersuutip itigartitsissutiginnissaa innersuussutigaa.